

Ineqarnermut, Attaveqarnermut Angallanermullu Naalakkersuisoq  
Medlem af Naalakkersuisut for Boliger, Infrastruktur og Trafik

Naalakkersuisut Siulittaasuata tullia  
Viceformand af Naalakkersuisut

Inatsisartuni ilaasortaq Per Berthelsen, Siumut  
-/Maani

## Tuapannguani napasuliat 4-miit 7-imut

Asasara Per Berthelsen,

Matumuuna Tuapannguani napasulianut 4-miit 7-imut apeqqtigisatit pillugit  
qutsavigaakkut, taakkulu matumani akiniassavakka.

1. **Maanna nalunaarutigineqareermat Tuapannguani napasuliat 4 – 7  
sulisunut inigisassanngortinneqartut, qanoq inissiat  
Namminersorlutik Oqartussani Qullersaqarfinnut, aqutsisoqarfinnut  
allanullu Namminersorlutik Oqartussat ataani suliffeqarfinnut  
agguataarneqarpat?**

**AKISSUT:** Inissiat immikkoortortaqarfinnut assigiinngitsunut  
agguataarneqanngillat.

2. **Piginneriaaseq sorleq napasuliat Tuapannguaniittuni 4 – 7-imi  
atorneqarpa?**

**AKISSUT:** Suliaq aallartimalli napasulianut 4-miit 7-imut piginneriaasissatut  
ilusiliunneqartoq allannguuteqartinneqanngilaq, tassalu napasulianik pineqartunik  
piginnittuusoq tassaavoq Piginneqatigiilluni Inissiatillit Peqatigiiffiat Tuapannguit 4  
– 7.

3. **Piginnittut aalajangersimasuuppat Tuapannguani napasuliat 4 – 7-  
imi?**

**AKISSUT:** Piginneqatigiilluni inissiatillit peqatigiiffii, Namminersorlutik Oqartussat  
napasulianut sisamaasunut immikkut kisimiillutik piginneqataaffigisaat inatsisit  
tunngavigalugit piginnittuupput. Piginneqatigiilluni inissiatillit peqatigiiffiini tamani  
siulersuisunik, piginneqatigiilluni inissiatillit peqatigiiffiisa soqutigisaannik  
isumaginnittussanik toqqaasoqarsimavoq. Namminersorlutik Oqartussat  
siulersuisunut ilaasortassatut immikkoortortami pisortaq Tabithe Kristensen,  
aqutsisoqarfimmi pisortaq Olafur P. Nielsen aamma immikkoortortami pisortaq  
Ruth Lindhardt toqqaarsimavaat, taakkulu tamarmik Ineqarnermut, Attaveqarnermut  
Angallanermullu Naalakkersuisoqarfimmi atorfeqarput. Siulersuisuni ilaasortat

25. november 2009  
Sags nr.  
2009-022194  
Dok.nr. 260748

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: aan@gh.gl

akissarsiaqanngillat, aammalu inuit pingasuusut siulersuisuni ilaasortatut sulinertik atorfeqarnerminnut atatillugu ingerlataaat.

**4. Aalajangersimasunik piginnittoqarpat, kikkut napasuliat 4-7-imi Tuapannguani piginnittuuppat?**

**AKISSUT:** 2-mut aamma 3-mut akissutit takukkit.

**5. Suna inatsit atorneqarpa siumut akiliigallarnermut qaammatit arfinillit akiliigallarnissamut?**

**AKISSUT:** Piginneqatigiilluni inissiaatit pillugit Inatsisartut peqqussutaanni nr. 2-mi, 16. maj 2008-meersumi allassimavoq, attartortitsineri inissianik attartortitsisarneq pillugu Inatsisartut peqqussutaanni namminersortut attartortitsisarnerannut maleruagassat malinneqassasut. Namminersortut attartortitsisarneranni qularnaveeqqusiisarneq inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 40-mi takuneqarsinnaavoq. Qularnaveeqqusiissut annerpaamik qaammatini arfinilinni ineqarnermut akiliutip annertoqatigisinnaagaa allassimavoq, qularnaveeqqusiissullu pisortat inissiaataannut attartortittakkanut akilerameqarsinnaasunut (§ 37) sanilliullugu akilersorneqarsinnaanersoq allassimangilaq.

Qaammatini pingasuni attartornerup nalinganut qularnaveeqqusiissutit inissiamit nuunnermut atatillugu aningaasartuutitut matussutissatut naammannginnerat pissutigalugu, A/S Inissiaatileqatigiiffik INI-mi Namminersorlutik Oqartussat inissiaataannit attartortittakkanit nuuttartut akiitsui amerliartuinnarmata, piginneqatigiilluni inissiaatillit peqatigiiffiisa qularnaveeqqusiissutit qaammatini arfinilinni attartornerup nalinganut annertussusilertariaqarpat.

Eqqumaffiqineqartariaqarpoq piginneqatigiilluni inissiaatillit peqatigiiffii taamaallaat 30-inik inissartaqarmata, taamaattumillu aningaasaqarnikkut qajannartumik inissisimallutik. Namminersorlutik Oqartussat inissiaataanni attartortittakkani attartortut ilai ineqarnermut akiliutissaminnik akiliineq ajorsimappata, tamanna ineqarnermut akiliummut tamakkiisumut annertuumik sunniuteqarneq ajorpoq, tamannalu ineqarnermut akiliutitut akilinngitsuukkanut taarsiullugu ineqartut amerlasuut (untritillit arlallit tikillugit) akiliisarnerannik pissuteqarpoq. Kisiannili inissiamit nuunnermut atatillugu ineqarnermut akiliummik akiliinngitsoortoqarsimappat, imaluunniit akilinngitsuukkanik akiitsoqartoqarsimappat, tamanna piginneqatigiilluni inissiaatillit peqatigiiffiannut, 30-iinnarnik attartortulinnut annertuumik sunniuteqartussaavoq. Attartortup ataatsip qaammammi ataasiinnarmi ineqarnermut akiligassani akilersimangippagit, tamanna attartortut 29-t sinnerisa ineqarnermut akiliutaasa 4%-imik qaffannerannik kinguneqarsinnaavoq. Namminersorlutik Oqartussat inissarsuaataanni ineqarnermut akiliutip annerpaamik 5,5%-imik qaffanneqarnissaa pillugu siunnersuutip, inuiaqatigiinni akit tamarniusut qaffannerinik pissuteqartup politikikkut eqqumaffiqineqarneranut tamanna naleqqiunneqassaaq.

Ineqarnermut akiliummik akiiliinngitsoortoqassappat, aammalu inissiamit nuunnermi akiiliinngitsoortoqassappat, piginneqatigiilluni inissiaatillit peqatigiiffiisa aningaasaqarnikkut pisussaaffimminnik naammassinnissinnaannginnerannik, aammalu realkredittimit taarsigassarsititsisarfinnut akiitsuminnut akilersukkaminnut ingerlatsinermullu aningaasartuutissaminnut akiliisinnaajunnaarnerannik kinguneqartussaavoq.

**6. Inuiaqatigiinni inoqutigiit qinnuteqarnissaminnut kikkut naatsorsuutigineqarpat periarfissaqartut piumasaqaatinik naammassinnissinnaasutut Ineqarnermut Attaveqarnermullu Naalackersuisup piumasaqaataannut?**

**AKISSUT:** Namminersorlutik Oqartussat inissiaataanni attartortittakkani attartortut amerlasuut ingerlalluartuupput, akiligassatigut pisussaaffimminnik naammassinnittartuullutik, aammalu ineqarnermut akiliummut akiligassaminnik akiliisartuullutik. Aamma attartortut amerlanersaat pitsaasunik piffissamullu naleqquttunik ineqarnissartik soqutigisaraat. Taamaattumik aamma amerlasuut Tuapannguani napasuliani 4-miit 7-imut najugaqarnissartik soqutigissagaat Naalackersuisut naatsorsuutigaat.

Inussiarnersumik inuulluaqqusillunga

Jens B. Frederiksen